

四庫全書

史部

欽定四庫全書

史部

欽定八旬萬壽盛典卷六十七

詳校官編修臣潘紹經

欽定四庫全書

八旬萬壽盛典卷六十七

恩賚

六年蠲賦三

福建巡撫臣徐嗣曾謹

題為恭謝

天恩事據布政使伊轍布詳據福州府知府成寧等會
詳據閩縣等各州縣詳據在籍大學士蔡新等僉
呈稱欽惟我

皇上

德洽羣生

恩周寰宇

天庥滋至久

保合於太和

聖敬日躋用

緝熙於純嘏歌

盛治而已欣熙皞

念民依而尚厯蓋歲逝自

御極以來疊荷

皇仁之被家給人足再蠲惟正之供

慶行惠施三奉

溫綸之沛固已陬澍咸安耕鑿黔黎久慶昇平恭逢

八秩昌辰重荷

元正曠典

一人有慶兆民賴而率土歡騰

萬壽無疆九有同而普天

澤廣

綸書特下全蠲秸鉅之徵

溫旨遙頒並免租庸之納一十七省共戴

尊親億萬斯年長沾樂利丹山碧水

湛恩與膏雨偕流白叟黃童喜氣與頌聲俱暢民安作

息三山之允澤彌亨年慶豐登七月之豳風如繪

康衢尊獻含哺稱

介壽之觴海屋籌添食

德上

長生之籙所有感激下忱謹合詞呈請轉詳代

題恭謝

天恩等情據此該署閩縣知縣吉壽等詳稱伏惟

聖德懋昭

皇仁廣被呼嵩祝華延

壽寓於無疆扇景獲甘荷

殊恩於莫外有年頻紀早覘庾積廩盈常賦特蠲更見
衢歌巷舞三山喜溢十郡歡騰躋萬姓於春臺信
億齡之嘉會

堯階日麗

愷澤覃敷

禹甸風遙

湛恩屢沛青疇綠壤億萬里銍秬並除白叟黃童十七
省笙歌齊奏南山北斗仰

黼座以呈祥十雨五風共

康年而獻祝茲據該紳士蔡新等僉呈謝悃理合轉詳
等情據此該福州府知府成寧等欽惟

帝德覃敷

皇仁疊沛和風甘雨涵濡於侯甸要荒

文德

武功震耀於東西南朔

太和醞釀

一人肇錫蕃釐

化日舒長六合咸登

壽宇夫耕婦織屢兆豐年巷舞衢歌欣逢

盛世信

熙朝之極軌誠

邇治之休風仰維

乾德無疆

泰辰伊始騰

恩詔於

八旬萬壽共慶盈寧蠲正賦於五十五年盡沾樂利阜
財解愠如被南薰千倉萬箱獨饒滄海長申燕喜
永載

鴻熙據此該布政使伊轍布欽惟

軒紀洪延玉燭恒調於六宇

堯仁廣被

璇圖久協夫萬邦補助頻施數已逾於億秭丁糧普免

惠更越以再三茲荷元日

恩綸為普

八旬慶典該紳士等優游

壽宇沐浴

仁膏蒙

申錫之有加荷

推慈於無極凡納總納銍納結全弛度支合杖鄉杖國

杖朝感臚樂利仙霞益壽粉榆之食

德何窮南海稱觴葵藿之傾心自切理合據情轉詳察

核具

題等情到臣據此該臣欽惟我

皇上

仁孚九有

道洽三無

問俗省方時廑知依之念

阜財制用屢勤若保之求閭閻久享盈寧蒼赤咸歌熙

皞茲欣逢

皇上

寶集八徵

論抒四得特霈始和

詔旨普免天下錢糧春膏無遲速之區

惠澤逾尋常之格幽風可籥禹甸胥酌沐三次之

鴻慈於今而四頌

萬年之景運自古無雙

九陛承流三山齊舞歌康衢之黎老惟頌

昌期耕瀛海之生番亦申

嘏祝允

聖朝之盛事蓋前代所罕聞

臣不敢壅於

上聞謹會同閩浙總督

臣覺羅伍拉納合詞具

題伏祈

皇上睿鑒謹

題奉

旨該部知道

湖北巡撫臣惠齡謹

題為恭謝

天恩事據布政使陳淮等詳據武昌等十府轉據江夏
等州縣衛所士民呈稱欽惟我

皇上

仁育萬方

澤周四表瑞符協應兆五風十雨之祥民氣恬和享千

倉萬箱之慶固已薄海久安於熙皞羣黎共樂夫
盈寧茲乃恭逢

萬壽八旬之期欣邀千載一時之典

特頒綸綍普免賦租統十八省而均荷

皇慈合億萬人而咸霑

聖德

仁同一視遐陬無不被之方隅期以三年次第有因時
之良法

殊施稠疊

生成塵切於小民

渥澤滂洋

高厚直逾於大造幸際方中之

景運億載蒙

庥難酬莫大之

鴻恩同聲祝

嘏所有感激微忱理合恭籲轉詳

題謝

天恩等情由府轉詳到司欽惟我

皇上

德舍覆載

仁並生成

念厪於箕風畢雨之情

勤施於旰食宵衣之際

殊恩遍布已邈

錫賚之三週

溫詔下頒還幸

恩膏之四洽恭逢

萬壽八旬之盛

賜復九州百姓之家賦稅全蠲草野之蓋藏尤厚遐邇
普被閭閻之康樂為書經

國計而均以三年法良意美合寰宇而仁同一視室盈

婦寧

恩諭從天懽聲動地江深漢廣莫名

聖澤之汪洋日升月恒幸際

昌時之熾盛仰

北辰而抒悃受

福無疆聽南紀之呼

嵩普天同慶茲據武昌等十府詳據江夏等州縣衛所

士民人等籲詳代

題等情理合據情會詳查核具題到臣欽惟我

皇上

德協清寧

恩同覆載

健行不息易占六位之成

弗祿維康詩頌九如之句茲當

八旬萬壽忻看

五世一堂慶集

宮庭懽騰海宇

特沛初春之膏澤普蠲直省之金錢躋萬姓於春臺開
八荒之壽宇江永漢廣難名

帝德之高深卷舞衢歌彌戴

皇仁之浩蕩從此京秭垓壤慶比戶之皆盈南朔東西
集萬方而來賀臣謹會同湖廣總督臣畢沅合詞
恭疏

題謝伏乞

皇上睿鑒施行奉

旨該部知道

湖南巡撫臣浦霖謹

題為恭謝

天恩事據布政使王懿德詳據長沙等府會詳據各州
縣廳衛詳據紳士羅典耆民鄭永清等呈稱欽惟
我

皇上

德懋健行

化成久道八絃需

閨澤普蒙樂利之庥六合徧淳風聿著皞熙之象固涵
濡之普被已淪浹之難名茲者欣逢

萬壽慶洽

八旬備名位祿壽之全必歸

大德統南北東西之廣咸被

鴻庥引養引恬富已久藏於庶納稔納秬賦頻惟正之
蠲合直省以輪年先周瘠土減輸租於業戶更廣

深仁典等生際

昌期恭逢

曠典泳遊

壽寓順

帝則於不知不識之天渙汗

恩綸樂豐年於多黍多稌之日益臻康阜莫罄歡欣循

出作入息之常敢忘

帝力效擊壤呼嵩之祝仰答

天恩伏乞詳請

題謝等情由府州轉詳該布政使王懿德等會看得

世際

鄧隆賴

一人之有慶民安豐樂欣萬國之咸寧茲者恭逢

皇上衍慶八旬集禧

五代聽十行之傳

詔正賦全蠲分三載以輪年歉區先及

湛恩汪濊匝瀛嶼以咸周

閩澤覃敷溯瀟湘而渥被

堯天薦慶彌仰延洪禹甸騰懽益臻安阜耕田鑿井羣

欣有脚之春剝棗稱觥願上無疆之頌茲據士民

合詞籲請

題謝等情到臣據此該臣看得鳩民昭

至治皞皞成風

鳳闕下

恩綸元元徧

德觀盈寧之益著宜歌頌之難名欽惟我

皇上

至仁丕冒兩大無私

愷澤旁流萬年有祐恭慶

八旬之萬壽齊呼

萬歲於八紘

軒錄誕膺

堯天共戴綿延瓜瓞萃

五世於一堂小大共球來萬邦之重譯實古來所罕覩

共仰

光華更望外之有加廣宣

綸綍綜丁田之賦遍九域以全蠲量出入之均別三年

以遞免歲亦無恙既蠲緩之攸分富以其鄰更佃

租之並減序後先而廣被昭裒益之平施胥蒙

睿慮之周益見生民之厚十行

詔布統海內以騰歡三楚地偏望

日邊而銜戴臣等依光

北極供職南邦歲屢豐而共慶承庥

恩彌渥而益徵歲富衢歌巷舞已遍瀟湘七澤之鄉

受祿宜民願上松柏九如之頌臣謹代抒下悃敬達

上聞會同湖廣總督臣畢沅合詞恭疏

題謝伏祈

皇上睿鑒施行奉

旨該部知道

河南巡撫臣穆和蘭謹

題為恭謝

天恩事據布政使景安等詳據開封等九府四直隸州
轉據祥符等一百三州縣士民呈稱欽惟我

皇上

仁育萬方

恩敷九有

堯尊普酌符願

聖人壽之辭

舜軫常調致阜吾民財之盛

福徵備於時若風風人而雨雨人

善政篤於厚生衣衣我而食食我頻年緩徵賜復廣露
積於閭閻到處登穀告穰比崇墉於困廩大河南
北久流

浩浩之仁二室東西曷喻

巍巍之德茲逢

八旬萬壽欣際千載一時

詔沛雞竿

恩頒燕席並元辰之

特旨

布諭宣恩免直省之正供

奉時行慶當家給人足之會

勤施四次普蠲洵法良意美之圖量予三年遞及欣聞

巽命幸沃

豐膏徧河聲嶽色之間雲蒸喜氣同日升月恒之久山

祝

聖齡伏乞申請

題謝等情由府州彙詳到司由司轉詳到臣欽惟我

皇上

壽富熾昌

聖仁博濟

洪禔普錫洽慶於東西南朔之區

時憲省成協順於歲月日星之軌六合躋春臺之上民

氣恬熙

八旬欣

壽宇之開

帝期曼羨維中州之宅土本宜沃野深耕相小民而

知依恒共逢年力穡茲荷

恩綸蠲賦一寬令甲之常更籌良法輪年盡免地丁之

入奉宣

德意共樂豐年山農澤農地農每幸催科之無擾五穀
九穀百穀自饒高廩之多儲地告河清詎俟千年
而一人齊嵩祝咸呼

萬歲者三臣不敢壅於

上聞謹具疏代

題恭謝

天恩伏祈

皇上睿鑒奉

旨該部知道

山東巡撫

臣覺羅長麟謹

題為恭謝

天恩事據布政使繆其吉等詳據濟南等府州轉據歷城等州縣衛所紳士呈稱竊思九賦為經國之常風垂令典什一廼中正之法久奉成規上地下地辨其方恒用一而緩二納秸納穗殊其制每耕三

而餘三欽惟我

皇上

德協義軒

仁同姚姒

溥祥和於宙合共沐生成

敷愷惠於田功羣安恬養固已士民被澤化國之日舒
以長耕鑿蒙庥康衢之民作而息萬邦告屢豐之
慶

億齡欣有道之長方殷惟正之供敢覲有孚之惠茲值
五世一堂之慶恭際

八旬萬壽之期

特降諭旨將乾隆五十六年錢糧通行蠲免

澤如雲行而雨施

德已髓浹而肌淪當

翠華之七巡荷

綸音之疊沛

宸衷籌邦本深知稼穡之艱難

睿慮念民依益廣閭閻之儲蓄鮮一夫之不獲期三年
而有成常邀樂利於昇平咸享安恬於

盛世含哺鼓腹皆由

帝力之生成巷舞衢歌一本輿情之歡愛惟是下懷愚
惓惓無由上達

宸聰伏祈轉詳據情

題奏等情據此該歷城等縣查得草野急公之願每

樂輸將

國家惟正之供久垂令典欽惟我

皇上

德懋堯階

仁周禹甸

廣春秋之補助屢兆豐穰

知稼穡之艱難尤敦儉樸固已昇平共享樂利咸臻矣

茲復邀賦額之全蠲沛

恩施而通免山陬海濱既致慶於盈寧魯甸齊郊更荷
恩而豐裕讀十行之

丹詔

深仁偕渤海同流齊

萬歲之山呼

聖壽與岱宗並峙茲據各紳士公籲前來轉請具

題以申謝悃等情據此該濟南府知府等會看得維
正脩度支之需自有成則薄歛渥閭閻之惠疊布

深仁欽惟我

皇上

宵旰精勤

仁慈普覆

知周稼穡常願百室盈寧

念切雨暘惟冀三時不害固已羣登熙皞歌浩蕩於昌
期共沐安康樂生成於盛世茲復承普天同慶之
日施率土廣被之

恩免億萬之丁糧

異數賔超今古逾再三之

申命

殊恩迭沛寰區分次第於三年魯甸齊郊咸歌樂利遍

和甘於四海山陬海澨悉沐豐盈所以

壽總歸

仁羣効華封之祝民惟徧

德咸歌天保之章屢荷

鴻麻均登

壽宇雖戶安耕鑿難名

帝德之無疆而世際亨嘉莫喻輿情之交忤茲據厯城

等州縣衛詳請

題謝等情到司據此該布政使繆其吉看得

壽宇鴻開仰光華於舜日

恩施特沛沐雨露於堯天欽惟我

皇上躋

八旬萬壽之昌期備

五世一堂之盛事普天同慶薄海騰歡誠史冊所希聞
實古今所罕覲伏念

愛民如子

錫福同天平時

軫念蒸黎每不惜萬千之帑藏此日

舉行慶典更普施億兆之

恩膏承

異數之頒遠及於山陬海澨被

至仁之育近周乎魯甸齊郊本年之歲額全蠲數載之
舊徵盡豁憶自正供全貸迄今已四免輸將即此
分郡傳徵統計而三年溥徧

皇仁廣布億萬家鼓腹含哺

丹詔遙傳十八省民安物阜梯山航海集萬國之共球
卷舞衢歌極兆人之頌祝理合轉詳具

題等情到臣該臣看得茅簷蔀屋久安耕鑿於昇平

魯甸齊郊咸享豐亨而愛戴欽惟我

皇上

乾行合撰

泰運重熙

年三登而闡帝期歲豐人樂

壽八旬而躋仁宇詠

德含淳當

翠華之七巡荷

綸音之疊沛已無一夫不獲欣看萬姓咸寧茲恭逢
八旬萬壽之昌期普天同慶快覩

五世一堂之盛事率土騰歡伏念

帝德醲敷頻施和煦

皇仁廣浹復免徵輸十八省之歲額全蠲次第而計期
三載億萬家之舊徵盡貸今茲而已免四輪三齊
長沐涵濡十郡同深頌祝是以輿情歡忭齊呼

聖壽之無疆

慶社延洪共感

天恩之大賚茲據布政使繆其吉詳據濟南等府州縣
衛所轉據紳士萬斯年等合詞叩謝恭懇代

題等情前來臣不敢壅於

上聞謹代

題恭謝

天恩伏祈

聖鑒謹具

題

聞奉

旨該部知道

欽定四庫全書

八旬萬壽盛典卷六十八

恩賚

七 本年蠲賦四

山西巡撫臣書麟謹

題為恭謝

天恩事據布政使鄭源璫呈據太原府知府海昌等會
詳據陽曲等州縣申據紳士裴謙耆民郭天隆等
呈稱欽惟我

皇上

仁周宇宙

澤普埏埴

宵旰時勤率土咸臻康阜

祥和徧洽敷天共慶盈寧涵濡深浹於髓肌瞻就共欽
夫

雲日謙等生逢

聖世居近

皇都鑿井耕田久享

昇平之福輕徭薄賦素蒙

燾育之恩茲逢

八旬萬壽之昌期更際

五世一堂之盛會

殊恩特沛正賦全蠲統萬國而靡遺無一夫之不獲窮

鄉僻壤頻邀

惠澤沾濡白叟黃童咸沐

湛恩汪濊家家額慶處處歡呼洵史冊所稀聞實古今
所罕覩履南畝而瞻

北闕難名

浩蕩之仁酌汾水而仰恒山莫罄

高深之頌所有歡欣蟻悃感漱葵忱合具公呈伏祈轉
達等情會詳到臣欽惟我

皇上

德邁唐虞

壽同顓倍

治臻上理八紘蒙樂利之庥

化洽重熙四海荷昇平之福固已慶同春而賡解阜合

寰宇以詠盈寧矣茲際

八旬萬壽之昌期欣逢

五世一堂之上瑞

恩綸特沛

賜租賦以全蠲

閭澤鴻施按府州而輪免蒙非常之

曠典羣黎咸浹髓淪肌膚逾格之

深仁到處皆衢歌巷舞

籌添五福嵩呼遍汾涑東西算益

萬年華祝騰霍恒南北茲據呈請代謝

天恩前來臣不敢壅於

上聞理合恭疏具

題伏乞

皇上睿鑒奉

旨該部知道

陝西巡撫臣秦承恩謹

題為恭謝

天恩事據布政使福寧等詳據署西安府知府敬光詳
稱潼關等八十八廳州縣紳士耆庶祝萬年等呈
稱欽惟我

皇上

運符軒紀

化洽堯封

撫億載之璇圖恒昭乾健

調四時之玉燭共樂春熙茲逢

寶算初開

八旬增祐遂沐

鴻施普被兆姓騰歡

特蠲惟正之供寔荷非常之

賜含哺鼓腹村村不聽追呼比櫛崇墉戶戶益安耕鑿
萬年等欣逢

盛世幸遇

昌期

惠心益驗有孚莫罄升恒之頌

曠典羣稱逾格彌殷蹈舞之忱地本周邦願對南山而
介雅民仍幽俗擬依北斗以稱觴為此合詞恭謝
伏乞轉詳等情據此該廳州縣覆查輸將罔後兆

民安耕鑿之常

蠲貸爰施四海食

誠和之福欽惟我

皇上

治登熙皞

澤洽垓紘

正德厚生世際豐亨豫大

阜民足用時方累洽重熙茲逢

八秩初開長綿

景算共頌

一人有慶普洽

殊施綏豐既遍於寰陬屢登大有

惠愷彌殷於比戶

特賜正供百室方盈

念更切於求寧求莫萬方曲逮事已逾於至再至三既

按省以均沾無間廣輪之遠邇復分年而遞免兼

籌歲序之盈虛奉行勵以實心侵隱嚴夫弊竇戴
德則乾坤

高厚俾熾而昌祝

釐而日月升恒惟

仁者壽地近三峰之並峙願抒三祝輿情

恩偕八水以同流益懋

八旬

睿筭理合詳請代

題等情由各府州轉詳到司道據此該布政使福寧
等會看得

撫蒼黎而錫福

一人膺保佑之隆沐膏澤以輸忱四海際

延洪之盛欽惟我

皇上

仁涵動植

德協苞符

天健有恒治既登於熙皞

日新不已嘏自懋於純常知依而暘雨疇咨敷政而寰

瀛疊洽

八徵作記

鴻庥益集夫

八旬

萬福攸同

睿算彌增於

萬歲海寓遍堯民之祝夙沛

恩膏

殿廷凝

軒渚之祥更敷

渥澤繁貢賦之供由惟正而

蠲除之令已逾三爰因

鴻慶以施仁更布

鳳綸而宣愷惟邠岐之舊域多耕鑿之淳風運際

昇平望

北闕而常抒頌禱歲多豐樂力東畬而願効輸將茲逢
恩命之異申共慶

純禧之川至襲乎鼓軒乎舞騰歡遍逮夫茅檐昌而大
壽而臧介祉益殷於

黼座茲據各府州縣會詳到臣據此欽惟我

皇上

福備箕疇

祥凝華祝

湛恩汪濊登六合於春臺

闔澤覃敷躋萬方於

壽寓欣際

五世一堂之慶恭逢

八旬萬壽之辰載廣

天庥特頒

恩綍

篤祐方俾昌俾熾

萬年之寶算初開

殊施逾至再至三九有之歡呼疊起遞年輪免酌劑早

切於

宸衷按省分沾遠邇同叨夫

渥澤含哺鼓腹長瞻

日月升恒擊壤歌衢共慶倉箱千萬難名

帝德共切羣情臣不敢壅於

上聞謹會同陝甘總督臣勒保合詞恭疏具

題伏祈

皇上睿鑒施行為此具

題奉

旨該部知道

又

題為欽奉

上諭事據布政使福寧等詳稱三辰垂象升恒卜

睿錄之長六幕同春億兆慶

天禧之羨迓

鴻庥於南極

仁壽同躋頌

鳳詔於西陲謳歌遍溢欽惟我

皇上

易簡同符

升恒久照八埏在宥爰陳無逸於

辰居庶事維熙尚凜其咨於

午夜恭遇

八旬萬壽欣瞻

五代一堂曠古希聞於

斯為盛

殊恩特沛既普免夫正供

愷澤重邀復盡蠲夫餘款輸將恐後久安耕鑿之常粟
程停催益叶倉箱之慶蓄芻糧於兵馬氣奮軍門

寬輸納於序庠歡騰廣廈荷自

天之申

命愧無地以酬

恩一曲秦風喜氣遍騰於三輔千家板屋歡聲上徹乎

九霄地是華封爭獻

三多之祝詩傳周雅長賡

百祿之純茲據各府州廳縣申請彙

題恭謝

天恩等情到臣欽惟我

皇上

惠我有孚

重民惟食

化神並至惟天地與同流

施濟頻加即唐虞猶莫逮恭遇

八旬

萬壽騰黃遍布於閭閻仰惟四海

一家

保赤彌縈夫

宵旰沛

覃恩於六寓普免正供頒

曠典於三秦載蠲本色飽及於騏驎
馱鐵露積芻糧澤
深於灞滻渭涇春回圭筆

溫綸重賁

愷澤閭敷屬當萬國豐年共拜自

天之賜從此三時樂歲長騰率土之懽總總林林難禁
輿情之欲達巍巍蕩蕩實知

帝德之難名聽部屋之效衢歌喜氣溢河山百二望
楓宸而申

嵩祝

嘉祥徵

福祿京垓臣謹會同督臣勒保合詞具

題恭謝

天恩伏祈

皇上睿鑒施行為此具

題奉

旨該部知道

陝甘總督臣勒保謹

題為遵

旨議奏事欽惟我

皇上

大德誠民

至仁育物

蠲租賜復

深恩疊被於堦堦

錫福用敷

厚澤已淪於肌髓茲以

八旬萬壽之昌期洵為千載一時之

盛會布

恩綸而普蠲正賦俾閭閻益阜蓋藏

允廷議而輪免分年使遠近齊沾

湛閭此誠曠古稀聞敷天同慶之

鴻施也茲准蘭州道王曾翼等呈據各府州廳縣詳據
紳耆合詞呈稱竊惟

帝德如

天
萬物同歸

帡覆

皇仁匝地八埏共沐

鴻施屢煩

宵旰之勞六府夙邀平準

三錫蠲除之令萬邦久慶恬熙茲當

八旬萬壽之辰

重申四免正供之典

鳳詔頒於黼座中外咸煦春風鶴籌集於仙瀛遐邇同

遊

壽寓惟甘省

隆恩疊被頻年特緩輸將積欠全蠲比戶咸叨

愷澤茲復再邀

曠典重沛

溫綸審多寡為均平無偏無黨酌後先為調劑孔惠孔

時百室盈寧四時樂利幸逢

郅治渥被

醲膏食德飲和久享

生成之福橫經負耒同依

仁壽之天欣逢

五福之徵疇陳箕範願效

三多之祝頌溢華封等情懇請轉詳恭謝

天恩准此該甘肅布政使蔣兆奎等欽惟我

皇上

軒紀延洪

堯曦久照

運符乾健升恒長行於鴻圖

恩協春生敷錫徧周於寰宇邇自

龍飛御宇已三蠲惟正之供今茲

鳳篆念徵復重荷無疆之錫甘省遠隣邊徼屢被

恩慈去歲全蠲積賦

和風偕萬彙以昭藹三年分免正租

湛露自

九天而挹注適值青陽啟籥序叶韶華早聞

紫禁宣綸占符

渙汗追呼不擾慶盈寧於饁婦耕夫作息皆恬裕蓋藏
於茅簷蔀屋瞻蒲勸稼有年預兆於兩河擊壤興
謠美利均沾於兆姓快睹十行騰

詔偕黃童白叟而頌

皇仁共欣萬國綏豐統玉塞金城而徵

聖瑞茲據詳請到臣欽惟我

皇上

久道化成

惠心元吉

湛恩汪濊閭閻共慶盈寧

愷澤覃敷遐邇咸沾樂利溯自

膺圖御宇已三免惟正之供養欲給求更屢下

特蠲之令固已與民藏富

敷錫無疆矣茲復以

八旬萬壽之昌期為千載一時之嘉會

特頒異命再布

恩綸酌多寡為均平凡三歲而周甸服準盈虛為先後
使萬家悉阜益藏惟甘省田本中中賦非上上前
者蒙

蠲積欠甫經渥被

醲膏今茲分免地丁復得仰邀

曠典歡聲雷動躋五十餘屬之黎庶盡上春臺喜氣雲
蒸紆二十八萬之帑金都盈南畝此日衢歌巷舞

共欣逢

有道聖人從茲膜頂焚香願長依

無量壽佛臣不敢壅於

上聞謹恭疏具

題伏祈

皇上睿鑒為此謹

題奉

旨該部知道

陝甘總督臣勒保謹

題為欽奉

上諭事據甘肅蘭州道王曾翼等詳據甘肅各府廳州
縣轉據紳士耆庶等合詞呈稱竊惟

帝澤覃敷遍九州而錫福

皇恩普被育萬物以資生欽惟我

皇上

仁壽延洪

德猷溥遍茅簷蔀屋盡躋赤子於春臺

賜復蠲租久納蒼生於在宥固已人懷樂利戶盡恬熙
矣茲復於

八旬萬壽之

昌期下三載輪免之

恩詔既免腹地編氓之正賦復貸邊番黎庶之輸將甘
雨和風遍及於金城左右祥雲化日咸照於大河
東西白叟黃童俱有含哺之樂青疇綠野惟聞擊

壤之聲感戴難名瞻依倍切謹合詞恭謝伏乞轉
詳等情據此該府州等看得

鴻仁遠播溥美利於不言

厚澤旁流培豐亨於有象欽惟我

皇上

仁恩洋溢

聖德崇深甘省地丁既已按年輪免臨邊糧草復邀分
別除徵得免惟正之供悉出非常之

賜金城王塞咸沾

浩蕩之恩青海黃河不盡

汪洋之澤感深黎庶頌切邊疆茲據合屬紳士耆庶等

籲請轉詳代

題謝悃前來由府州呈道移司該布政使蔣兆奎等

會看得惟

天
錫年

帝乃同其丕冒惟

帝育物民悉荷夫帡幪欽惟我

皇上

仁育八方

德隆千古

深恩廣被普天共慶盈寧

愷澤頻施邊地尤沾優渥輪年普免既寬惟正之供積

欠全蠲屢貸編氓之賦固已胥登

壽寓共躋春臺矣茲復推一視之

仁再下

九重之

詔番民糧草悉予蠲除屯地輸將區分徵免邊關內外

喜氣雲蒸大河東西歡聲雷動

澤有加而無已

恩屢及而愈深從此安作息於耕耘處處年豐物阜快

優游於里閭家家鑿井耕田茲據詳請

題謝等情到臣欽惟我

皇上

大德誠民

至仁煦物

湛恩汪濊閭閻共慶盈寧

愷澤覃敷遐邇咸沾樂利茲者恭逢

萬壽八旬之歲

特頒三年輪免之

恩既已貢額都除乃復芻糧悉免上勞

宸念更降

綸音謂邊陲稅額地丁少而糧草較多稽節次蠲 畚

屯分而休養宜一人欣

曠典翻同舊例重沿時計卅年疊被

天恩三錫十行

詔下嵩呼遍洮水東西五色

綸宣華祝動蘭山南北從此崆峒麥熟羣歌

錫福無疆行看都尉禾豐總是與民藏富茲據籲請


題謝

天恩謹恭疏具

題伏祈

皇上睿鑒奉

旨該部知道



欽定四庫全書

卷六十八

卷六十八

欽定四庫全書

史部

欽定八旬萬壽盛典卷

六十九
七十

詳校官編修臣潘紹經

欽定四庫全書

八旬萬壽盛典卷六十九

恩賚

八年蠲賦五

署四川總督臣孫士毅謹

題為恭謝

天恩事據四川布政使和寧等詳據成都等十一府眉
州等九直隸州叙永等四直隸廳轉據所屬州縣
土司詳稱紳士顧嵩楷百歲老民盧樸先孫丕權

等呈稱欽惟我

皇上

惠錫無疆

恩覃有慶

萬載衍長生之籙仁壽同登四瀛飲太極之泉醇釀咸
沃年屢豐于綏萬猶

蠲租給復之時行用各足於餘三更

布澤施仁之疊被方幸

幘幪庶類共樂春臺更欣

燾冒羣黎偕遊

壽宇惟五十五年之

恩膏屢沛逢

八旬萬壽而

異命重申停各省之催科免下民之征税

天倉秬鉉曾載蠲額賦之輸農部度支已三荷

溫綸之錫既分年而輪免復計佃以減租雖在四川僻

處西南亦無一夫不邀

雨露奉十行之

寶墨咸欽

有道聖人逢

八秩之元春共祝

無量壽佛幽風介壽小民方籲切稱觥王制引年庶老

更優叨

錫福算絳人之歲月欲循舊例祝

釐溯燕禮于膠庠弗令長途趨

闕

恩流三峽蕩蕩難名

德峻雙峩巍巍莫並

嵩指

等簪紳預列猷畝安棲仰

天上之絲綸惟增鼓舞指平疇之稔黍共慶盈寧戶有

蓋藏願進康衢而敬頌情殷叩祝謹偕部屋以臚

謳為此合詞呈請轉詳前來相應詳請查核具

題等情到臣據此該臣看得輸將是効歲有常供賦

稅普蠲古稱盛典欽惟我

皇上

軒紀洪延

堯仁廣被

運符行健萬年長衍夫箕疇

恩協廣生九賦咸允于禹貢閭閻樂歲皆欣有脚之陽

春雲日瞻

天共祝無疆之

聖壽恭逢

慶典特沛

恩綸寰瀛並沐

皇仁免正供而及業佃巴蜀亦叨

嘉惠由內地以迄新疆

帝力不知耕鑿效華封之祝

一人有慶謳歌周遑徼而遙

臣

職忝封圻材慚樗櫟聽

巴人之頌歲富于民陳無逸之圖惟

仁者壽慶盈寧于一十八省非徒

西顧之眷優

篤庥祐於萬六千春長咏南山而忭舞茲據成都等府
廳州縣紳士耆民具呈感謝緣由經布政使和寧
詳請具

題前來察其情詞出自至誠感激理合具

題代謝

天恩伏祈

皇上睿鑒施行謹具題

聞奉

旨該部知道

廣東巡撫臣郭世勲謹

題為恭謝

天恩事據布政使許祖京等詳據廣州等十府三州轉
據南海等州縣詳稱據合省紳士里民陳其煥等

呈稱竊其煥等踐土食毛幸際

太平之盛治戴高履厚羣安

皇極之綏猷

深仁偏浹于閭閻歲歲頻書大有

渥澤普沾于海嶠家家共慶盈寧欽惟我

皇上

德建中和

仁徵康乂

化成久道垂拱而治八寅

福錫無疆。紀序而調六幕。固已民安物阜。邊陲盡沐。皇恩。抑且鼓腹含哺。黎庶同遊。

壽宇際累洽重熙之會。恭逢

八秩元春。推損上益下之

恩。復奉

十行闡諭。疊施惠澤。四沛

恩綸。蠲按年輸納之租。豁直省地丁之額。分三年以遞。及耆民扶杖而觀。合萬姓以均沾。士庶呼嵩而祝。

似此敷天

慶典真為亘古奇逢

詔下

九重歡騰萬國從此

皇圖益固合衢歌巷舞以臚謳

聖壽無疆與日升月恒而効祝為此呈懇

題謝

天恩等情欽惟我

皇上

福備箕疇

恩覃禹甸

聖有作而萬物覩殊方咸仰光華

天不言而四時成薄海胥遊熙皞

化成久道千百國共躋春臺

惠溥無疆億兆人同沾

闡澤益歲素裕曾頌

三錫之綸賑貸兼施頻下

九重之詔惟衣租而食稅原有常經繫沐膏而詠勤更

邀

曠典廼者祝

嘏臚歡始和布令

金枝衍慶宏開

五代之堂

寶籙徵祥慶演

八旬之筴登延洪之

壽寓蒼黎方獻曝抒誠沛汪濊之醲膏

紫綰已先春施惠雨暘時叙念民依而益廣

仁心稼穡年豐蠲租賦而

特施

恩命為民藏富與物皆春三載一週

十行四霈真曠古稀聞之

大澤休嘉布濩于兩間實敷天同慶之

昌辰謳頌騰聲於四海瞻依

舜日羣占北斗之祥忭舞

堯年共切南山之祝代申下悃敬達輿情茲據廣州等

十府三州轉據所屬紳士里民籲請恭謝前來相

應詳請

題謝等情到臣據此欽惟我

皇上

行健敷仁

體元錫福

保民若赤八埏蒙樂利之休

生物如春四海沐昇平之化固已共登康乂家家鼓腹

含哺胥慶盈寧處處衢歌巷舞茲者恭遇

八旬聖節

萬壽元春爰當獻歲之令辰特沛敷天之

闡澤豁三千萬之賦稅四沐

殊恩寬億兆姓之輸將屢邀

盛典大小郡均勻遞及體

嘉貺以流膏十八省遠近同沾厚生民而歲富

恩既覃而益溥海隅融地寶之滋

惠已渥而更周嶺表慶

日升之頌臣等恭捧

綸音敬宣

德意茅簷部屋聽呼嶽以同聲食德飲和知戴

天之彌仰茲據詳請代

題前來臣等不敢壅於

上聞謹會同兩廣總督臣福康安合詞

題謝伏乞

皇上睿鑒施行奉

旨該部知道

護理廣西巡撫布政使臣英善謹

題為恭謝

天恩事據署布政使事左江道黃符綵等詳據桂林等

十一府州詳據各州縣轉據所屬紳士耆民呈稱

欽惟我

皇上

帝德覃敷同

覆幬之無量

天恩廣被統寰宇而咸周

勤政重農民隱遙通乎

黼座輕徭薄賦

隆施疊沛乎閭檐耆年仰

撫字之仁衣帛食肉丁壯沐

涵濡之化鑿井耕田食舊德而服先疇罔報

鴻恩於萬一被祥風而沐甘雨重邀

曠典於再三本年欣逢

皇上萬壽屆期

八旬大慶

鴻庥廣布荷正供之全蠲

澍澤頻施無一夫之不獲輪年分免閱三次而漢土均
沾一視同仁通直省而要荒胥徧

高天厚地雨露無私浹髓淪肌

尊親共戴民生

聖世躬沐

皇仁鼓腹含哺樂

重熙之日月給求養欲快迭被之

恩膏八千歲為春為秋長依

椿蔭億萬戶並生並育唯效葵傾敬抒忭舞之誠願上
升恒之頌謹聯名具呈伏祈轉詳代

題恭謝

天恩等情據此該府州等欽惟我

皇上

道融精一

德載行生敬

天勤民

宵旰厯農桑之念綏豐保泰遐邇蒙

化育之仁租稅頻蠲年有順成之慶帑金疊

賜人欣樂利之周固已薄海承

恩衆志咸傾乎

斗北褰區徧德

鴻庥普浹於天南矣茲值

萬壽昌期

八旬大慶足民歲富已開億萬世無疆之休

布澤推仁更蠲十八省惟正之賦歡騰西粵漢土均沾
慶溢邊隅苗獯並戴

覃恩普被甫十載而

重頒按地輪蠲閱三秋而悉徧扣轅擊壤共登

仁壽之天拊籥吹豳競獻

洪延之祝欣逢

盛典實切歡忱相應轉請

題謝等情據此該司道等欽惟我

皇上

廣大敷仁

中和建極生成愛養合億兆而厯切

九重博濟勤施入宵旰而常如一日際茲籌添

聖錄壽无疆而惟至萬年乃復廣溥

天庥供維正而統蠲全賦分年遞免經三載而咸周按

戶全蠲無一夫之不被從茲杏花菖葉倍饒長晦

之資白叟黃童並效康衢之舞

洪恩沛宇偕潯江灘水以長流

景祚延禧共桂嶺堯山而比峻敬惟

特典允愜輿情體有加無已之

仁奉行必力際千載一時之

盛感戴非常如草從風兆庶仰

化工之溥有葵向日萬年祝

純嘏之長理合詳請代

題等情到

臣欽惟我

皇上

恩隆懷保

澤被蒼黎八紘當熙皞之時愈培邦本六府際修和之
會彌厚民生觀薄海之安恬久臻

到治計歷年之蠲賚疊溥

鴻施茲逢

八旬萬壽之昌期洵屬千載一時之嘉會

特頒申命普免丁糧按地輪蠲

垂恩廣被壽而富式舞且歌

錫福蕃昌粵

九重之愛育

綏康稠疊慶比戶之盈寧花縣桑田處處含哺鼓腹三

江五嶺村村擊壤謳衢

一人之

景祐洪延敷天同祝六合之

恩膏遍逮率土騰歡食

德飲和共享昇平之福

重熙累洽咸沾樂利之休簡編實無此嘉徵蒼赤皆傳

為

異數頌無疆之

聖壽閱八十載而

異命常申荷丕冒之

皇仁遍億兆人而豐亨共慶

臣恭逢

盛典既

高厚之難名虔捧

丹書更歡欣而莫喻謹會同署兩廣總督廣東巡撫臣

郭世勲合詞具

題伏乞

皇上睿鑒施行謹

題奉

旨該部知道

雲南巡撫臣譚尚忠謹

題為恭謝

天恩事據布政使李承鄴等會詳據雲南等府廳州縣
紳士鄉耆等呈稱欽惟我

皇上

惠洽垓埏

恩覃雨露調四時之玉燭共上春臺席萬禩之蘿圖同
登

壽寓官符罷納

推仁不止于再三戶帖停徵

錫福寧殊於遐邇緊坤維之僻壤實益部之舊疆荷
熙朝奕葉之庥豐年屢告蒙

聖主如天之福大有頻書際茲望杏瞻蒲將布一黎之
種早卜築場納稼定饒三鬴之糧固已戶慶盈寧
人歌樂利矣屬維大章奄茂之歲恭屆

八旬萬壽之辰

軒紀洪開歲首下雞竿之

詔星軺遠莅天南來

鳳闕之書逢年而予以蠲租催科不擾則壤而許其
輪免調劑攸宜有田既被夫

洪施奚啻大酺之賜承佃亦沾夫餘潤豈徒滯穗之携
盖由

聖德高深婉美乎堯天舜日是以
恩波浩蕩直溢乎洱海昆池感切

楓宸情殷梓里捧

九天之綸綍惠尤洽于含哺指萬井之篝車歡實深於
藏富靜聽風謠互答遍起耕田鑿井之歌行看瑞
應駢臻益徵甘雨和風之會傍弧南而致頌惟稱
萬壽無疆依北斗而傾心齊祝

一人有慶所有感激欣慶下忱理合呈請代

題恭謝

天恩等情轉詳到臣據此欽惟我

皇上

壽叶升恒

恩均幬載

錫福籌裕民之策

寬租厘歲富之思調玉燭於寒燠雨暘兆金穰於禾麻
菽麥雙岐呈瑞頻年早賦盈寧萬寶告成比戶猶
歌稂穗更仰

堯曦普照欣逢

軒紀洪延經四次以蠲庸酌三秋而貸賦

德音遠被即碧雞金馬皆煜爚而翔輝

溫綽分頒惟白叟黃童共扶攜而聽

詔歡逾擊壤頌溢呼嵩

澍澤覃敷遍行慶於一十八省

醲膏倍飫效祝

釐於萬億千年今據布政使等會詳據各紳士耆庶等

呈請代

題恭謝

天恩前來理合具

題伏乞

皇上睿鑒施行奉

旨該部知道

貴州巡撫臣額勒春謹

題為恭謝

天恩事據布政使汪新等詳據貴陽等一十三府據紳士耆民等呈稱欽惟我

皇上

德奉三無

仁周六合

惠施不倦膏已渥而彌殷

巽命重申澤屢加而愈溥是以

繁禧茂集萬方疊慶綏和

至治覃敷四海咸登康阜茲者恭逢

萬壽八旬之令節欣值

一堂五世之昌期再沛

絲綸復寬租賦厚民生於藏富分先後而

異數全邀敷

天澤以流膏按府州而

殊施遞及此固普天率土逖邇均沾不獨貴水富山高

深莫喻所有感激微忱理合公籲

題謝等情由司道據情詳請

題謝到臣欽惟我

皇上

德協乾符

治隆泰運

仁風煦物普天共沐陽春

甘雨成膏匝地均沾渥澤茲者恭逢

萬壽八旬之令節欣值

一堂五世之昌期

特沛

殊恩頻頒

異數

臣恭奉

恩綸謹宣

聖德分先後普免合三歲而俱周按州府蠲除無一夫
之不逮荒陬僻壤咸鼓腹而頌

皇仁白叟黃童盡泥首而申

嵩祝茲據布政使汪新等詳據合省紳士耆民呈請

題謝前來臣不敢壅於

上聞理合會同雲貴總督臣富綱恭疏具

題伏乞

皇上睿鑒施行為此謹

題奉

旨該部知道

右臣等編次蠲賦盛典附錄直省陳謝諸疏盖
以臣僚紳士忭戴積忱亦既獻頌颺言欽邀

御選載於歌頌一門至草茅黎庶惟知擊壤歡呼順

則於安和之宇廼復際登豐之咸樂慶

蕃祉之攸同奉

詔普蠲流膏既溢有非小民望澤之私所敢覲及者
顧若駢儷之文廼置吏入告陳言之體而在田
間愚賤鼓舞謳歛則各本其忠愛之忱慤然而
欲達雖一時竭誠報謝率由下里芻言而十八
省之風土攸殊億萬衆之聲情如一所為籲諸
大吏以上獻

宸聰者至真切而無片詞之飾是與臣僚紳士之歌
頌文質若有不同其為抒德達情實無二致也
謹按省備登以彰感孚之盛以誌慶幸之深而
我

皇上之福祿申重延庥於萬億及祧尤有言語形容
所莫罄者爾

